

Служба с акафистом

святителю

Игнатию

Брянчанинову



САТИСЬ

А. В. Блинский
Служба с акафистом святителю
Игнатию Брянчанинову

Текст предоставлен издательством

http://www.litres.ru/pages/biblio_book/?art=51263501

Служба с акафистом святителю Игнатию Брянчанинову: Сатисъ;

Санкт-Петербург; 2007

ISBN 5-7868-0065-2

Аннотация

В предлагаемое читателю издание включены служба святителю Игнатию, акафист и избранные поучения о молитве.

Содержание

Служба Святителю Игнатию Брянчанинову, епископу Кавказскому и Черноморскому	5
На малой вечерни	6
На Господи возвах Стихиры на 4, глас 2	6
На стиховне стихиры, глас 1:	7
На Велицей Вечерни	8
На Господи возвах, стихиры, глас 5:	8
Вход. Прокимен дне. И чтения три святительская	9
На литии стихиры, глас 1:	9
На стиховне стихиры, глас 6:	10
Тропарь, глас 8:	11
Ин тропарь, глас тойже:	11
На Утрени	12
На Бог Господь, тропарь праздника дважды	12
По 1-м стихословии седален, глас 2:	12
По 2-м стихословии седален, глас 8:	12
По полиелеи седален, глас 5:	13
По 50-м псалме стихира, глас 6:	13
Канон праздника и святителя, глас 8:	13
Песнь 1	13
Песнь 3	14
Конец ознакомительного фрагмента.	16

**Служба с акафистом
святителю Игнатию
Брянчанинову**

© Издательство «Сатись», 2007

**Служба Святителю Игнатию
Брянчанинову, епископу
Кавказскому и Черноморскому**

Месяца апрелля в 30-й день

На малой вечерни

На Господи воззвах Стихиры на 4, глас 2

Подобен: Егда от древа:

Святителю Игна́тие пречу́дне, бысть Фиваи́да Росси́йская земля́ се́верная, ино́ческих по́двигов и трудо́в твои́х нача́ло, иде́же Подвигополо́жника Го́спода Иису́са, в моли́твенном де́лании тебе́ укрепля́ющая, обре́л еси́.

Егда́, в во́зраст прише́д, нача́льник мона́хов соде́лался еси́, тогда́ оби́тель се́верная во и́мя Серге́я преподо́бнаго прия́т ты, о́тче, и та́мо позна́л еси́ ме́ру скорбе́й вели́ких и боле́зней тяжких, та́же и утеше́ния от при́сных бра́тий твои́х, и посе́щения явля́шагося ти Ду́ха Утешите́ля сподо́бился еси́.

Страны́ ю́жные, близ По́нта лежа́щая, послуша́нием Святе́й Църкви дости́гл еси́, о́тче, во святите́льском зва́нии твоём яви́лся еси́ о́тец и наста́вник наро́дов и племе́н Кавка́зских, жа́ждавших сло́ва Христо́ва.

Егда́ же вре́мя отше́ствия твоего́ прибли́жися, святите́лю Госпо́день Игна́тие, тогда́ во оби́тель ино́честей на бре́зе Во́лжстем, трудо́ сло́ва и моли́твы полага́я, со упова́нием к Бо́гу отше́л еси́, в Не́мже обре́т поко́й и мир мног.

Слава и ныне, праздника.

На стиховне стихиры, глас 1:

Подобен: Небесных чинов:

Учѣньми отца́ духо́внаго наставляе́мь, о́тче Игна́тие, пра́вилом жи́зни ино́ческаго обуча́лся еси́ и, в послуша́ниих разли́чных упражня́я усер́дно, путь святы́х соверши́л еси́.

Стих: Честна́ пред Го́сподем смерть преподо́бных его.

Му́дрость стяжа́в духо́вную, та́кожде и зна́ние писа́ний оте́ческих, ча́да послуша́ния во мно́жестве приобрѣ́л еси́, о́тче, ихже к Ца́рству Небе́сному и Ве́чному духо́вно руково́дил еси́.

Стих: Блаже́н муж, боя́йся Го́спода, в за́поведех Его́ восхо́щет зело́.

Возлюби́в ду́шу бли́жняго тво́его, е́же ко Го́споду Спа́су приве́сти ю́, любо́вь духо́вную к ча́дам твои́м явля́я, псаломски восклицáл еси́: прииди́те, ча́да, послу́шайте мене́, стра́ху Господню́ научу́ вас.

Слава и ныне, праздника.

Тропарь писан на велицей вечерни.

На Велицей Вечерни

Блажен муж: *1-й антифон.*

На Господи воззвах, стихиры, глас 5:

Подобен: Ра́дуйся:

Ра́дуйся и весели́ся светло́, землѣ Россі́йская, но́ваго свя-
тителя́ Божія, Игна́тия, явившая, иже ве́ру Христо́ву пи-
са́ньми сво́ими изъясни́ и, зако́ны Ду́ха воспису́я, стезю́ жи-
ти́я духо́внаго я́сно соде́ла.

Ра́дуйся, святителю́ Игна́тие предивне, измла́да путь
за́поведей Христо́вых возлюбив, избранник Господе́нь пре-
дивен явился еси́, горни́ло же искуше́ний и бед пришѣд,
учи́тель правосла́вным лю́дем показáся, жи́зни ве́чныя за-
ко́ны духо́вныя изъясня́я.

Ра́дуйся, иже во ино́честем чи́не и́мя Богоно́сца восприя́л
еси́, си́це и сам, святителю́ Игна́тие, ско́рби и болѣзни, я́ко
священномученик, терпя́, чрез вся жити́е твоѐ Имя Хри-
сто́во внутрь се́рдца свое́го запечатлѣ́л еси́, моли́твою непре-
ста́нною укрепля́яся.

Ра́дуйся, святителю́ Христо́в богому́дре, Бо́га и́стиннаго и
жи́ва взыска́в, да́же до конца́ дний твои́х предсто́ял еси́ Хри-
сту́, моли́твою непреста́нною и любобви́ю укрепля́яся, та́же
терпѣ́нием скорбе́й находя́щих утвержда́яся.

Слава, глас 4:

К правде вѣчней и жизни некончаемой устремился еси, святителю Игнатие пречудне, и сия ближним твоим исповѣдуя, к любви Божией призывал еси, ныне же в незаходимей славе жития непрестающаго в Царствии Христове сияеши.

И ныне, праздника.

Вход. Прокимен дне. И чтения три святительская

Притчей чтение: Память праведнаго:

Притчей чтение: Уста праведнаго:

Премудрости Соломони чтение:

Праведник, аще постигнет:

На литии стихиры, глас 1:

Мысль спасительную, еже последовати учению святых отец, нарекл еси, отче преподобне, звезду твою, путеводствующую тя и освещающую тесный путь ума и сердца твоего к Богу.

Мысль благая, путеводствующая тя, отче богомудре, на источники воды живыя приведе во обители иноческия, идеже в подвизах многих Бога приобрел еси.

Слава, глас тойже:

Страну истины обрел еси, отче преподобне, учение святых отец, и, тех писанием чрез все житие твое усердно последовав, зывал еси: сии суть звезды Небесныя, испущающия согласный и единый свет, сии суть корабли, идущии к пристани единой, сей лик, воспеваяй единую Божественную песнь, и, тех учению следуя, душу твою к вечней жизни управил еси.

И ныне, праздника.

На стиховне стихиры, глас 6:

Песнь священную воспел еси, преподобне отче, под сению Креста Господня, песнь хвалы и благодарения, темже и людем Божиим, в странствии сущим, воздавати хвалу Богу у подножия Древа Крестнаго помози твоими молитвами.

Стих: честна пред Господем смерть преподобных его.

Изяснил еси нам, отче, писании твоими, что есть чаша Христова. Сию чашу скорбей и напастей, отче преподобне, яко дар Божий, с благодарением приимати в житии нашем помози нам твоими молитвами.

Стих: Священницы Твой облекутся в правду, и преподобнии Твой возрадуются.

Житейское море страстей и скорбей душею твердою прешел еси, яко кораблем, темже души наша, волнами греховными обуреваемая, сохрани в спасительном корабле Церкви Христовы, яко молитвенник изрядный.

Слава, и ныне, праздника.

Тропарь, глас 8:

Правосла́вия побóрниче, / покая́ния и моли́твы де́латель и учи́телю изря́дный, / архиере́ев богодухнове́нное украше́ние, / мона́шествующих сла́во и похвало́: писа́нии твои́ми вся ны уцелому́дрил еси́. / Цевни́це духо́вная, Игна́тие богому́дре, моли́ Сло́ва Христа́ Бо́га, / Егóже носил еси́ в се́рдце твоём, / дарова́ти нам пре́жде конца́ покая́ние.

Ин тропарь, глас тойже:

Избра́нник возлю́блен Христо́ви яви́лся еси́, / Тому́ скорбьми́ мно́гими и моли́твою непреста́нною прилепи́вся, / благода́ть Ду́ха Свята́го стяжа́в, учи́тель изря́ден лю́дем был еси́. / Помина́й нас, святите́лю Игна́тие, богоно́се Росси́йский, / да уче́нии и моли́твами твои́ми покая́ние спаси́тельное обря́щем / и любóвию серде́чную Христу́ усво́имся.

На Утрени

На Бог Господь, тропарь праздника дважды

Слава, святителя. И ныне, праздника.

По 1-м стихословии седален, глас 2:

Моли́твами и скорбьми́ мно́гими в жити́и твоёмъ Хри-
сту́ соедини́вся, учи́тель изря́ден и помо́щник лю́дем твои́м
яви́лся еси́, святи́телю Игна́тие, моли́ о чту́щих па́мять твою́
блаже́нне.

Слава, и ныне, праздника.

По 2-м стихословии седален, глас 8:

Рекл еси́, о́тче: е́же размышля́ти о вочелове́чении Бо́га
Сло́ва, о спаси́тельных страда́ниих и Воскресе́нии Его́,
сте́пень есть ви́дения духо́внаго, ю́же молитвами твои́ми
сподо́би ны стяжа́ти, о́тче преподо́бне.

Слава и ныне, праздника.

По полиелеи седален, глас 5:

Подобен: Преподобне ѓтче:

Преподѓбне ѓтче, святителю всечестне, ты учил еси, яко молитва, вера правая и терпение скорбей потребны, во еже спастися. Помози нам, святче Божий, да учеными твоими ограждаеми, спасение душ наших улучим.

Слава, и ныне, праздника.

По 50-м псалме стихира, глас 6:

Познал еси тайну святяя трапезы Господни в сиянии светила великаго: якоже солнце, учил еси, во всяцей капли росы отображено есть, такожде и в трапезе Господни кийждо приобщен есть Христу всецело по Божеству и человечеству. К сему же таинству со страхом Божиим и неосужденно приступати твоими молитвами, святе Игнатие, нас сподоби.

Канон праздника и святителя, глас 8:

Песнь 1

Ирмос: Колесницегонителя фарабня погрузи чудотворяй иногда Моисейский жезл, крестообразно поразив и разделив море, Израиля же беглеца, пешеходца, спасе, песнь Богови

воспева́ющая.

Путь духо́вный, к Бо́гу Живу́ веду́щий, прешел еси́, свя-
тителю Игна́тие, я́сно указу́я нам, како подобáет стезю́ жи-
ти́я земна́го преходи́ти, учéнию Христо́ву внéмлюще.

Пéрвую ступе́нь в ле́стнице добродéтелей Ева́нгельских,
нищету́ духо́вную, узрél еси́, óтче, и той послéдовати, ту́ю
возлюби́ти, то́ю пути́ духо́внаго нача́ло полага́ти завет твой
дал еси́.

Нищета́ дýха, рекл еси́, соль есть всех жертв духо́вных,
нищета́ бо дýха блаже́нство нарече́ся со Святе́м Ева́нгелии
Христо́ве, ёйже еси́ прóчии блаже́нства, крóтость, милосéр-
дие, сёрдца чистота́, послéдуют и ёю соверша́ются.

Богороди́чен: Ма́ти Све́та, Пречиста́я Богороди́тельница,
жити́е спаси́тельно на земли́ с Сы́ном и Бо́гом Твои́м со-
верши́вшая, нас, недостóйных, укрепи́, от грехо́в изба́ви и к
пра́вде вéчней шéствовати утверди́.

Песнь 3

Ирмос: Небе́снаго кру́га Верхотво́рче, Го́споди, и Це́ркве
Жижди́телю, Ты мене́ утверди́ в любви́ Твоёй, желáний кра́ю,
ве́рных утвержде́ние, Еди́не Человеколю́бче.

Пра́вду Христо́ву в жити́и своéм воспису́я, святителю
Христо́в Игна́тие, обре́л еси́ на пути́ сем, ёже пла́кати и ры-
да́ти о соде́янных злых и к Спаси́телю ми́ра притека́ти.

В ю́ности пла́чем ино́ческим го́рце воспла́кал еси́ в кёллии

своей о разрушении храма сердца человеческого, Богом созданного Богослужения возвышенного ради, о пленении души и ума, от сих же всех токмо едином Богочеловеком Спасителем избавимся.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.